

«Айша» бөбекжайы

Бекітемін:
«Айша» бөбекжайы меңгерушісі:
Тулеугалиева Б.Е



Тақырыбы: **«Аналар - асыл жандар!»**



«Ботақан» кіші жас тобы тәрбиешісі: Сұлтанбек А.

2026 жыл

Тақырыбы: «Аналар - асыл жандар!»

Мақсаты: Мерекелік көңіл-күйін құру;

ән және қозғалыс орындаушылық дағдыларын қалыптастыру;
балалардың назарын жалпы әрекетте қатысу тілегін қалыптастыруға
эмоциялық қабылдауын ынталандыру;
өзінің жақын адамдарын қуанта білуге, мейірімділікке тәрбиелеу.

Ертеңгілік өткізуге қажетті құрал-жабдықтар: Безендірілген әсем зал,
гүлдер, құмыра, сыйлықтар, әсем әндер жазылған ұнтаспа, т.б

Ертеңгіліктің барысы:

Балалар залға қол ұстасып, жұптасып әдемі әуенде вальс ырғағында айналып,
билеп өтеді. («Тәттім-ау» әуенімен)

Тәрбиеші:

Құрметті аналар, әжелер сіздерді әйел жанымен байланысты тамаша көктем
мерекесі – 8 Наурызбен шын жүректен құттықтаймыз! Алғашқы көктем
мерекесі Жер бетіне өмір сыйлаушы нәзік, ақылды, сымбатты, мейірімді
жандарға арналғаны қандай тамаша мереке! Әлемдегі ең асыл жан ол – Ана
десек, жүрегімізде сүйікті жанға деген махаббат сезімі оянады. Ана бұл
аяулы да мейірімді жан. Баланың тілі шыққаннан – ақ бірінші сөзін «Ана»
деп айтады. Өмірдің есігін ашқаннан соң осы өмірдегі өзіңнің жан анаңды
көресің. Осы бір «АНА» деген үш әріптің аясында адамзат баласын қуаныш
сыйлар қаншалықты қасиет бар десеңші!

Ару — ана, Ару — асыл жар, Ару – көңілдің гүлі, Ару — өмірдің жыры, тіпті
айта берсең сөз жетпейді. Олай болса, бүгінгі аналарға, әжелерімізге
арналған «Ботақан» тобының бүлдіршіндерінің «Ана — аса қымбат жан!»
ертеңгілігіне қош келдіңіздер!

Барлық балалар хормен:

Құттықтаймыз анашым, 8 — ші Наурызбен!

Жүргізуші:

Той пердесін ашайық,

Тойға шашу шашайық.

Аналарды құрметтеп,

Ән маржанын шашайық.

Хор: «Ақ мамам»

Жүргізуші:

Аналар ақ тілекті, сөз көп дейін,

Жылытар жүрегінді көз көп дейін

Аналар ақ жаулықты бұл сіздерге
Қол соғып қарсы алайық «Анашым»
Би: «Анашым»

Жүргізуші:

Балалар, туған күнде, мерекелерде аналарымыз дастарханға қандай тәтті тағамдар салады?

Дұрыс айтасындар, кәмпитті балалар да, үлкендер де жақсы көреді.

Кәмпитсіз дастарханның сәні кірмейді.

(Әсем әуенмен залға «Көктем - Ханшайымы» кіреді)

Көктем-Ханшайымы:

(кіріп билейді)

Сәлеметсіздер ме, балалар мен қонақтар!

Мен – Көктем ханшайымымын.

Күн жылып, қар еріп, гүлдер ашатын кез келді.

Мен сендердің мерекелеріңе қуаныш сыйлауға келдім!

Балалар, мен сендерге ойын алып келдім

(Көбелекті гүлге қондыр) деп аталалады.

Жүргізуші:

Расында да, бізге тәтті «Кәмпит-Ханшайым» қонаққа келіпті. Қараңдаршы, кәмпиттері көп екен, тәтті десе тәтті екен. Қане өнерімізді көрсетейік, тапсырмаларды орындайық.

1 — тапсырма:

Ойын: «Кім жылдам» (аналар)

Ойын жарыс түрінде өтеді. Аналарымыз ортаға шығып сайысқа түседі.

Көктем-Ханшайымы:

Балалар, сендер бүгін менің тапсырмаларымды өте жақсы орындап шықтындар. Сендерге көп-көп рахмет айтамын. Өздерің өнерлі, әдемі, тәртіпті екенсіңдер, мен сендерге ризамын. Енді мына қолымдағы ыдысты тәрбиеші апайларыңа беремін. Сендерге әкелген көптеген әртүрлі кәмпиттерім бар. Соны сыйлыққа бергім келіп тұр. Мен енді сендермен қоштасайын, басқа да балабақшада мерекелер болып жатыр соған барайын.
(Көктем-Ханшайымы балалармен қоштасып шығып кетеді)

Жүргізуші:

Мерекені қарсы алып,

Мәз болғанда барша жұрт,

Гүл ұсынып қыздарға,

Сыйлық бердім мен өзім — дей отырып қыздарға арналған сыйлығымызды табыс етуге рұқсат етіңіздер.

(Ұлдар қыздарға сыйлықтарын табыс етеді)

Жүргізуші:

Бөбегіңнің сыйлығын,

Қабыл алшы анашым

Ұзақ өмір жүз жасап

Ауырмашы анашым!

Бәріміздің де анамыз бар, әжеміз, әпкеміз бар, қарындастарымыз бар.

Жылына бір рет келетін осы аналар мейрамында аналарымызға қандай

сыйлық жасасақ та жарасымды. Өйткені, бізді өмірге алып келген, бізге әлемнің жарығын сыйлаған — анамыз емес пе? Олай болса, әр баланың өзі дайындаған аналарына сыйлықтары бар екен, соны табыс етсін!

Аналар, қалқып бақыт аралында,

Лайым мұң қонбасын жанарыңа

Осымен кешімізді аяқтайық

Гүл бітсін бәріңіздің қадамыңа — дей отырып бүгінгі «Ана — аса қымбат жан!» атты ертеңгілігіміз аяқталды. Ардақты аналар мейрамдарыңыз құтты болсын! Сау саламатта болыңыздар!



Анықтама

Өткен күні: 04.03.2026 жыл.

Тобы: «Ботақан» кіші жас тобы

Мақсаты: Балаларға 8-ші Наурыз халықаралық мейрамы екенін ұғындыра отырып, аналарын ешқашан ренжітпеуге, қолғанат болуға, әрқашан құрметтей білуге тәрбиелеу.

Қатысушылар саны: 20

Қатысқан тәрбиешілер саны: 3

Инстаграм

желісі: <https://www.instagram.com/reel/DVqZAxhCkag/?igsh=MXJyNDh6cDdlMjBvYQ>